

սայ Դատաւորն , այլ այժմ ոչ թողումք . և ապա բողոք բարձին առ Քաղաքապետն՝ չմաքրել զսիւնն ոչ Հայք եւ ոչ Լատինք , եւ խնդրեաց բերել 'ի վաղիւ զվաւերական գրեանս վասն այնր տեղոյ և դատ վարել ընդ Լատինաց : Հայք ընդդէմ կացին բանից Քաղաքապետին , զի չէր օրէն յայնժամ թողուլ զԴատաւորն , և դատիլ առաջի քաղաքական իշխանութեան . դուցէ զայրացեալ Դատաւորին ամբաստան լիցի առ Տէրութիւնն , և լինիցի փաստ երկուց կողմանց : Եւ 'ի գիշերին յայնմիկ Հայք գնացեալ պատմեցին Դատաւորին զպատգամս Քաղաքապետին : Եւ 'ի վաղիւ անդ կազմեցաւ ժողով մեծ , ուր էր և Քաղաքապետն . կոչեցան անդ Հայք և Լատինք՝ 'ի գիրս զոր մատուցին Լատինք՝ ոչ գտաւ յիշատակութիւն ինչ վասն սեանն , այլ միայն գմբեթն եւ կամարն մեծ . իսկ 'ի գիրս Հայոց յիշատակէր սիւնն , պատկերն և կանթեղքն՝ այլովքն հանդերձ , որով պարտաւորեցան Լատինք (յ30 Յուլիսի) : Բայց 'ի սագրելոյ Քաղաքապետին ոչ խալառ որոշեցաւ խնդիրն , մինչեւ վերստին կազմեցաւ ժողով (յ3 Օգոստոսի) յորում սահմանեցաւ սիւնն Ս . Յարութեան և ճանապարհ եկեղեցւոյն Բեթղէհէմի գոլ իրաւունք Հայոց . զայրացեալ ընդ այս Լատինաց սկսան խօսիլ բանս անպատեհս զժողովոյն , եւ սպառնային նոցա չարիս 'ի Թագաւորէն և 'ի Կուսակալէն , և մեկնեցան անտի : Եւ ժողովն պատուիրեաց երկուց վանաց յարգել զվճիռ ժողովոյն և ըստ այնմ վարիլ : Հայք առին զերկուս Հէօճճէթս 'ի մի օրինակ ստորագրութեամբ այլազգեաց . բայց Դատաւորն կասկածէր 'ի Քաղաքապետէն և 'ի Լատինաց , զի մի չարախօս լիցին առ Կուսակալն և առ Դեոսպանն Գաղղիոյ 'ի Կոստանդինուպօլիս : Եւ ապա առին 'ի նմանէ զայլ իմն գիր , զի մի Լատինք ժողովրդովք իւրեանց անցանիցեն 'ի վերայ սրբաւոցան Հայոց , և ըստ մտաց նորին գիր մի եւս 'ի Քաղաքապետէն :

Սակայն Լատինք անաստ գտեալ հրամանին վերստին մաքրեցին զսիւնն . Հայք բողոք բարձեալ առ Քաղաքապետն եւ առ Դատաւորն , բացայայտ ասէին լինել նոցա համախոհ Լատինաց՝ եւ դատաստանք նոցին առ երեսս . բողոքել առ Տէրութիւնն և յայտ յանդիման կացուցանել